



## **TOSHKENT DAVLAT YURIDIK UNIVERSITETI REKTORINING BUYRUG'I**

---

11.02.2022 yil

28 tm-son

### **Talabaga hayfsan e'lon qilish to'g'risida**

Bugungi kunda universitetda yuksak talablar va zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan, universitetning ayrim talabalari tomonidan Toshkent davlat yuridik universitetining Odob-axloq kodeksi va Ichki tartib qoidalari (ichki mehnat tartibi qoidalari)ni buzish holatlari kuzatilmoqda.

Jumladan, universitet magistratura talabasi Ro'ziyev Baxtiyor Xusniddin o'g'li joriy yilning 22-yanvar kuni YouTube ijtimoiy tarmog'ida "AzonTV" kanali orqali efirga uzatiladigan "Tahlil" ko'rsatuvida ishtirok etib, o'zini Toshkent davlat yuridik universiteti magistratura talabasi va "huquqshunos sifatida"gi fikri deb ko'rsatgan holda O'zbekiston Respublikasida vijdon erkinligi masalasi bo'yicha yetarli asoslantirilmagan fikr-mulohazalarini bildirgan.

Vaholanki, B.Ro'ziyev pedagog mutaxassisligi bo'yicha bakalavriat bosqichini tamomlagan va huquqshunos mutaxassisligiga ega emas.

Mazkur harakatlari bilan B.Ro'ziyev universitet Odob-axloq

kodeksi 14-moddasi uchinchi xatboshisi (talaba va doktorantlari haqida haqiqatga to'g'ri kelmaydigan yoki noto'g'ri talqin qilingan, noto'g'ri talqin qilish uchun imkon beradigan ma'lumotlarni tarqatmaslik, bunday ma'lumotlar tarqalishiga yo'l qo'ymaslik, shuningdek, jamoat oldida va ijtimoiy tarmoqlarda bu mavzuda chiqishlar qilmaslik) va 26-moddasi ikkinchi qismi o'n sakkizinchi xatboshisida (haqiqatni gapirishga, rahbarlar va boshqa xodimlarni chalg'itmaslikka majburligi) belgilangan qoidalarini buzgan.

Yuqoridagilarni inobatga olgan holda Oliy ta'lim to'g'risidagi nizom (ro'yxat raqami 1222, 2003 yil 22 fevral), universitet Odob-axloq kodeksi va universitet rektorining 2021-yil 1-martdagi 08-44-son buyrug'i bilan tasdiqlangan Toshkent davlat yuridik universitetining Ichki tartib qoidalari (ichki mehnat tartibi qoidalari)ning 83-bandiga asosan hamda Magistratura va sirtqi ta'lim fakulteti dekanining taqdimnomasiga muvofiq,

#### BUYURAMAN:

1. Ro'ziyev Baxtiyor Xusniddin o'g'li - 70420106 - Davlat boshqaruvi huquqi mutaxassisligi (ta'lim tili - o'zbek) magistratura talabasiga hayfsan e'lon qilinsin.

2. Fakultet dekanlari (A.Babadjanov, Sh.Saydullayev, D.Kamalova, B.Xodjayev, D.Umarxanova) ushbu buyruq bilan talabalarni tanishtirsin.

3. Magistratura va sirtqi ta'lim fakulteti dekani A.Babadjanov magistratura talabasining shaxsiy hujjatlar yig'majildiga buyruq nusxasi tikilishini ta'minlasin.

4. Mazkur buyruq bajarilishini nazorat qilish prorektor A.Hashimxonov zimmasiga yuklansin.

**Rektor**



**A.TASHKULOV**

Toshkent shahar

**Kiritildi:**

Dekan(Fan nomzodi yoki falsafa  
doktori(Ph.D) ilmiy darajasiga yoki  
xorijiy davlatlarning unga  
tenglashtirilgan boshqa ilmiy  
darajalariga yoki dotsent ilmiy  
unvoniga ega bo'lgan)

A.BABADJANOV

**Kelishildi:**

Direktor

SH.PO'LOTOV



Devonxona mudiri

X.ABDULLAYEV



YOshlar masalalari va ma'naviy-  
ma'rifiy ishlar bo'yicha prorektor

A.XASHIMHONOV



Katta yuriskonsult

E.XOSILOV

